

Լ. Ա. Բարսեղյան, ժ. Դ. Խաչատրյան

ՄԻՋՆԱԴԱՐՅԱՆ ՀԱՅԱՍՏԱՆԻ ԵՐԿՈՒ ԱՄՐՈՑՆԵՐԻ ՄԱՍԻՆ

1960—1961 թթ. Հայկական ՍՍՌ նոյեմբերյանի շրջանում հնագիտական-հետախուզական շրջագայությունների ժամանակ մեր ուշագրության առարկան հանդիսացան միջնադարյան երեք հուշարձաններ, որոնք պատմահնագիտական և ճարտարապետական առումով դեռևս ուսումնասիրված չեն և փաստորեն քիչ են ծանոթ հայագիտությանը:

Այդ ամրոցներից մեկը գտնվում է Ղալաշա գյուղի հարավ-արևելյան ծայրում, իսկ մյուսները՝ Կոթի գյուղից հարավ, Աղբբջանական ՍՍՌ-ի սահմանի վրա: Նրանց մասին տեղեկություններ հիմնականում հաղորդում են վրաց աղբյուրները:

Վրաց, ինչպես և մասամբ հայկական աղբյուրներում այդ ամրոցները հայտնի են Գագ, Քավազին (Գավազան Քողին, Գավազն) և Ղալինջաբար (Խալինճբար) անուններով: Վերոհիշյալ հուշարձաններից հատկապես Գագի և Ղալինջաբարի ձիշտ տեղադրումը դեռևս պարզված չէր: Մեր ձեռքի տակ եղած նյութերն առաջժամ հնարավորություն են ընձեռում պատմա-աշխարհագրական որոշ գիտողություններ անել միայն Գավազան և Ղալինջաբար ամրոցների պատմության ու նրանց տեղադրման հարցի շուրջը:

Ինչպես հայտնի է, Հայաստանի հյուսիսը, որտեղ և գտնվում է նոյեմբերյանի շրջանը, ընդգրկում էր պատմական Գուգարք նահանգը:

Այս հուշարձանները, որոնք իրենց ճարտարապետական հատկանիշներով որոշակիորեն օգնում են թվագրմանը, հավանաբար կառուցվել են Տաշիր-Չորագետի կամ Կյուրիկյան Դավիթ Անհողին թագավորի օրոք (989—1048 թթ.), երբ վերջինս ընդարձակեց իր թագավորության սահմանները դեպի հյուսիս և արևելք, սահմանակից դառնալով Գանձակի էմիրությանը:


Այդպիսի գորեղ հարևանի առկայությունը բնականաբար պահանջում էր պաշտպանական միջոցներ ձեռնարկել, որին և ձեռնամուխ եղան Հայաստանի այդ շրջանի տերերը: Արդյունքը եղավ այն, որ շուտով այստեղ վեր խոյացան պաշտպանական այնպիսի կառույցներ, ինչպիսիք էին Կայեն Կայծոն, Նոր Բերդ, Տերունական, Տավուշ, Մահկանաբերդ, Գավազան և Ղալինջաբար ամրոցները:

1118 թ. հյուսիսային Հայաստանի, այդ թվում և Տաշիր-Չորագետի թագավորության հիմնական մասը միացվեց վրաց հզորացող թագավորությանն ու հաղորդակից դարձավ նրա տնտեսական և կուլտուրական վերելքին:

12-րդ դարի վերջերից այստեղ հաստատվեցին Ջաբարյանները, որոնց ժամանակ երկիրը վայելելով վրաց պետության հովանավորությունը, նոր տնտեսական-կուլտուրական, մասամբ և քաղաքական վերելք ապրեց: Գավազան և Ղալինջաբար ամրոցներն էլ գտնվելով այդ տերիտորիայում հեռու չէին կարող մնալ տնտեսական ու քաղաքական այս կարևոր անց ու դարձերից:

Ղալինջաքար ամրոցի մասին միակ գրավոր վկայությունը հաղորդում է 12-րդ դարի մի վրաց անանուն հեղինակ իր «Դավիթ արքայից արքայի պատմությունը» երկում, որին կրկնում են վրացի պատմիչներից Ջուանշերը և Վախուշտի Բագրատիոն արքայազնը: Այս հիշատակությունների մեջ ամրոցը հանդես է գալիս Ղալինջաքար, Խալինճաքար (Խալինջաքար) անուններով, կապված վրաց Դավիթ Շինարար թագավորի կողմից սելջուկների դեմ մղած պատերազմների հետ:

1123 թ. գարնանը վրաց Դավիթ Շինարար թագավորը մի արշավանք է ձեռնարկում Շիրվանի սելջուկյան սուլթանի դեմ և գրավում է Շամախին: Միաժամանակ նա ազատագրում է սելջուկներից Գուգարքից դեպի Աղստեֆի հովիտն ընկած շրջանները, գրավում է Գագա դաշտը համանուն ամրոց-բերդով և Տերունական, Նոր բերդ, Կայեն, Կայծոն, Մահկանաբերդ, Մանասգոմ, Գավազան, Խալինճաքար, Տավուշ ամրոցները:



Ղալինջաքար ամրոցը հարավային կողմից

Վրաց աղբյուրները այս արշավանքի մասին պատմում են. «Եվ սավառնելով իբրև արծիվ՝ (Դավիթ թագավորը նույն թվի) մայիսին վերցրեց Հայքի (Սոմխիթի) բերդերը՝ Գագա [Գագ(եր)ը], Տերունականը (Տերունակալը), Քավազիները, Նոր[ա]բե[ր]դը, Մանիցգոմերը (Մանասգոմերը) և Ղալինջաքարը (Խալինջաքարը)»¹: Ղալինջաքարի մասին մյուս աղբյուրները լռում են: Ղալինջաքար ամրոցը մենք նույնացնում ենք Նոյեմբերյանի շրջանի Ղալաչա գյուղի հարավ-արևելյան ծայրում, մի մեծ բլրի վրա դտնվող ամրոցի հետ, առա-

¹ Լ. Մելիքսեթ-Քեկ, Վրաց աղբյուրները Հայաստանի և հայերի մասին, Երևան, 1934, Ճ. 1-ին, էջ 218: Նույնը, Երևան, 1955, հ. 3-րդ, էջ 42, «...նա (Դավիթ Շինարարը) էտո և զղղեական Հայոց՝ զԴմանիս, զԳագ, զՏերունականն, զՔաւազիեն, զՆոր-Բերդն, զՄանասգոմ, զԽալինճաքար.....»: Համառոտ պատմութիւն վրաց Ջուանշէրի պատմիչի, Վենետիկ, 1884, էջ 121-

ջին հերթին հիմք ընդունելով ամրոցի տեղադրությունը և երկու անունների նմանությունը (Ղալինջա-Ղալաչա)²:

Ղալինջաքարը գտնվում է Կողբաչայ գետի աջ կողմում, որը հոսում է անմիջապես հարթության վրա բարձրացած բլրի (քարի) լանջով և փաստորեն ծառայում է որպես բնական պատնեշ: Ամրոցն ունի ձվաձև (ավելի շուտ ուղղանկյունու նմանվող) հատակագիծ և ձգվում է արևելքից արևմուտք: Միակ մուտքը գտնվում է արևմտյան կողմում: Շինությունը ամենայն հավանականությամբ երկհարկանի է, շնայած երկրորդ հարկի հատակը չի պահպանվել:




Գավազանի ընդհանուր տեսքը

Ամրոցի որոշ տեղերում, սկզբնական շինությանը մոտ պահպանված բարձր պատերի մեջ հավասար լարձրության վրա սլարդորոշ երևում են գերանների համար փորված անցքերը՝ փայտային մնացորդներով: Ամրոցն ունի երկու մեծ և յոթ փոքր շրջանաձև աշտարակներ, որոնց մի մասը կիսաքանդ վիճակում են, իսկ մի քանիսը կանգուն են սկզբնական շինությանը մոտ բարձրությամբ: Ամրոցի արևելյան պատը բաղկացած է դեպի վեր խոյացող, կողք կողքի կանգնեցված հինգ աշտարակներից: Շինության կառուցման ժամանակ օգտագործվել է տեղական խամրած գույնի, ամուր, մշակված կրաքարը:

² Դեռևս երեք տարի առաջ բանավոր գրույցի ժամանակ մեր կարծիքը հավանություն ստացավ պրոֆ. Ս. Տ. Երեմյանի կողմից, որը նույնպես խալինջաքարը տեղադրում է Ղալաչայի տեղում: Տե՛ս ՀՄՄՌ Ատլաս, Երևան, 1961, էջ 106, քարտեզ «Հայաստանը մոնղոլական նվաճումների նախօրյակին»:

Ամրոցի դիմաց ընդարձակ տարածության վրա ձգվում է գերեզմանոցը, որտեղ պահպանվել են 12—13-րդ դդ. բնորոշ խաչքարեր-մահարձաններ: Գավազան ամրոցի մասին հաղորդվող վկայություններն ավելի շատ են, քան Ղալինյաքարինը: Արդեն իսկ անցյալ դարի կեսերից սկսած Գավազանն իր վրա էր գրավել ուսումնասիրողների և ճանապարհորդների ուշադրությունը, որոնք իրենց հերթին տվել են նրա նկարագրությունը:

Գավազան ամրոցը, որը տեղացիներին մինչև այժմ էլ հայտնի է Գավարգին կամ Գվարգին անուններով, տեղադրվում է Աղստե գետի արևմտյան կողմում, Ադրբեջանական ՍՍՌ Ղազախ քաղաքից 20 կմ դեպի հյուսիս-արևմուտք համանուն բարձրության հյուսիս-արևելյան լանջին:



Գավազան ամրոցաբաղադրի միջնաբերդի հատակագիծը

Պատմական Գագա դաշտի ծայրին գտնվող այս ամրոցի համառոտ նկարագրությունը առաջին անգամ տվել է Ս. Զալալյանցը³, Հետագայում ամրոցի ավելի մանրամասն նկարագրության փորձ է կատարել Մ. եպ. Բարխուդարյանցը, ըստ որի ամրոցը գտնվում է. «...մի բարձր, միապաղաղ, գորշագույն, դարմանալի և միանգամայն ահարկու ժայռի» արևելյան ստորոտին, որի սենյակներից մեկում ջրհոր կա, իսկ «...ժայռիս գագաթն բարձրանալու համար կայ միայն մի դժուարատար, սոսկալի, նեղ շափազանց զառիվեր, և միանգամայն վտանգաւոր կածան հիւսիսային կողմից» որ «...ժայռիս արևմտեան կողմում բաւական բարձր երևում է մի մեծ ծակ, որի ետև, ասում են կայ մեծագույն քարայր, որի ճանապարհն անհայտացած է այժմ: Երբեմն երբեմն արծիւներն այրիցս հանում են գորգի և կարպետի փտած կտորներ և ձգում վար»⁴:

³ «Ճանապարհորդութիւն ի Մեծն Հայաստան», աշխատասիրությամբ Սարգիս վարդապետի Զալալեանց, Տփլիս, 1842, մասն Ա, էջ 156:

⁴ Մ ա կ ա ր և պ ի ս կ. Բ ար խ ու տ ար ն և ն ց, Արցախ, Բաքու, 1895, էջ 395, տե՛ս նաև Զ. Ս. է ֆ Ր ի կ ե ն, Պատկերազարդ ընաշխարհիկ լրատարան, հ. 1, Վենետիկ, 1909, էջ 500, որը նշում է նաև, որ «...հոս կայ ընդարձակ հանգստարան և անբրակ եկեղեցի»: Մենք ուշադիր կերպով դնենք տեղանքը, սակայն չհաջողվեց հայտնաբերել դրանք, գուցե այն շփոթել է Գագ բերդի գերեզմանոցի և եկեղեցու հետ, և կամ ծածկվել են հողի տակ:

Դավազան ամբողջը, որն ամենայն հավանականությամբ հիմնադրված է դեռևս 10-րդ դարում կամ 11-րդ դարի սկզբներին, առաջին անգամ հիշատակվում է 11-րդ դարի 60-ական թվականների վերջերին, Քոզին (Քուզին) անունով, կապված սելջուկյան Ալփասլանի սուլթանության վերջին տարիների (մահացել է 1072 թ.) դեպքերի հետ:

Ադրյուրները վկայում են, որ Արխաղաց և վրաց Բադրատ 4-րդ թագավորն հարձակվեց Տփիսիսի վրա, որն Ալփասլանը տվել էր Գանձակի Փատլուն ամիրային: Վերջինս պարտվում և գերվում է Լիպարիաի որդի՝ Իվանե Օրբելյանի զորքերի կողմից և միայն Տփիսիսը, Գագա բերդն ու Գավազին ամբողջը տալով Բադրատին ազատվում է:

«...Եւ ոմն ծանուցեալ զնա՝ ասէ. դու իսկ ես ամիրայն ամիրայց Փատլուն: Եւ գոչեաց ձայնիւ մեծաւ, և հնչեաց երկիրն, և ձայն տուեալ միմեանց՝ ըմբռնեցին զնա բնակիւք գաւառին, և տարան առ Բագրատ և էառ ի նմանէ զՏփիսիս և զԳագ և զՔոզինն՝ զոր առեալ էին պարսք ի Հայոց և ի Վրաց...»:

Գավազանն, այնուհետև հիշատակվում է 1123 թ. Դավիթ Շինարարի պատերազմների կապակցությամբ, որի մասին արդեն վերը նշեցինք, երբ Ղալինջաբարի և մյուս ամբողջների հետ միասին ազատագրվում է նաև Գավազանը:

Գավազան ամբողջի հետագա բախտի մասին մեզ տեղեկություններ է տալիս Վարդան վարդապետը, մոնղոլական ավերիչ արշավանքները նկարագրելիս: Նա պատմում է, որ մոնղոլները՝ Մուրտ Նոյինի գլխավորությամբ Շամխորն ավերելուց հետո առանց դժվարության և մեծ մասամբ առանց կռիվի գրավեցին Վահրամ Գագեցու գավառներն ու բերդերը՝ Սագամը, Կածարեթը, Քավազինն ու Գագը և այլն:

«Իսկ Մուրտ Նոյինն ի բաժնի առեալ զբերդս գաւառաց Մեծ իշխանի Վահրամայ... զնոր բերդ՝ որ էր Վասակայ թագավորագնին և զԳագ անուանի բերդ...»⁵:

Գավազան ամբողջը մինչև 15-րդ դարի 1-ին կեսը դեռևս կանգուն էր որպես ամուր բերդ և այնտեղ ապաստան էին գտնում ասպատակություններից ու կողոպուտներից խուսափած մերձակա վայրերի բնակիչները: Այդ մասին վկայում է ոմն Հովհաննես գրիչ 1436 (հայոց ՊՁԵ) թվականին:

«...եկաք մինչև Աղստև, հանդիպեցաւ Ջաղաթին իլդարն՝ բազում հեծեալ, և թալանեցին զմեզ ու զամէն քրիստոնէեայքն, և մերկեցուցին, որ քան զոտից ամանն այլ իրք չթողին, այլ ձմերան աւուրք և ցուրտ: Այլ եկաք ի Գավազանին բերթն, քրիստոնէեայքն ի վերա եկին և ծածկեցին զմեր մերկութիւնն»⁷:

Թե մինչև երբ տևեց ամբողջի կյանքը, մեզ հայտնի չէ, բայց հավանաբար այն արդեն 15-րդ դարի վերջին և 16-րդ դ. սկզբներին քանդված է եղել և միջնաբերդի պարիսպներին դրսի կողմից հենված ռազմաթիվ բնակարաններ են կառուցվել:

Ամբողջը կառուցված է դաշտի մեջ մոտ 400 մ բարձրությամբ վեր խոյացող մի առանձին գորշավուն ժայռաբլրի վրա, որը կարծես իշխում է ողջ հարթության վրա: Ժայռաբլուրը միայն մի կողմից թեք լանջ ունի, որտեղ և կառուցվել է ամբողջը, իսկ երեք կողմերից զրեթե ողորկ, ուղղահայաց ժայռ է:

5 Ջուանչիբու... էջ 114: Լ. Մելիքսեթ-բեկ, Վրաց ադրյուրներ... հ. 1, էջ 208:

6 «Հաւաքումն պատմութեան Վարդանայ վարդապետի», Վենետիկ, 1862, էջ 145:

7 Լ. Խաչիկյան, մն դարի հայերեն ձեռագրերի հիշատակարաններ, Երևան, 1953, հ. Ա, էջ 461:

Այժմ ամրոցից պահպանվել են միջնաբերդի պատերը, իսկ նրանցից դեպի ներքև 400 մ դեպի հյուսիս հարթության վրա փռված է եղել բերդաքաղաքը, որի պարսպի հիմքերը պարզ նկատելի են: Բերդաքաղաքը զբաղում է շուրջ 10 հեկտար տարածություն: Միջնաբերդի երկարությունն է 140 մ, լայնությունը՝ 40 մ: Միջնաբերդի պատերը կառուցված են մշակված ոչ խոշոր ղեղնավուն կրաքարից, իսկ բերդաքաղաքի պարիսպների մեջ օգտագործվել են նաև անտաշ խոշոր որձաքարեր, որպիսիք կային նաև երևացող բնակարանանման շինությունների հիմքում, բերդաքաղաքի պարսպից դուրս:

Միջնաբերդի հյուսիսային պատը փաստորեն բարձունքի ժայռոտ պատվարն է, որի կողմերին տարբեր բարձրության վրա կարծես կառչել են զանազան մեծության պատեր, ստեղծելով հարթություններ (դարավանդներ), որոնք օգտագործվել են զանազան կարիքների համար, իսկ հիմնականում ծառայել են որպես հենակներ, վերևից թափվող քարերի հոսքը ներքև արգելելու համար:

Միջնաբերդից պահպանվել են կիսականգուն յոթը՝ կիսաշրջանաձև հիմքով աշտարակներ: Պատերի բարձրությունը հասնում է 1,5—2 մ, իսկ աշտարակներինը՝ 4—7 մ: Մուտքն արևմտյան կողմից է: Միջնաբերդի պարսպի ներսում առանձին տեղերում պահպանվել են շենքերի պատերի մնացորդներ: Միջնաբերդից դուրս պարիսպների տակ համարյա բոլոր կողմերում պահպանվել են բնաբականների հետքեր՝ փոսերի և քանդված պատերի ձևով, որոնք հետագայի կառուցված շենքերի մնացորդներ են:

Այսպիսով, Գավազան և Ղալինջաքար ամրոցները գտնվում էին հայկական լեռնաշխարհի հյուսիս-արևելյան հատվածում և մտնում էին այդ մասի պաշտպանության համար ստեղծված ընդհանուր պաշտպանական սիստեմի մեջ:

Հրապարակելով այս պատմա-հնագիտական թուցիկ հետախուզական դիտողությունները, մեր նպատակն է ոչ թե քիչ թե շատ ամբողջական ձևով ներկայացնել ու ամբողջացնել Գավարգինի և Ղալինջաքարի պատմությունը, այլ սրելու ուշադրությունը նրանց վրա և դնելու նրանց ուսումնասիրության հարցը:

Բացի վերոհիշյալ հուշարձաններից պետք է ուսումնասիրվեն նաև հյուսիսային Հայաստանում (Նոյեմբերյանի, Շամշադինի, Իջևանի շրջաններ) գտնվող պաշտպանական կառուցվածքները, որոնք ցավոք սրտի դեռևս անծանոթ են միջնադարյան Հայաստանի հնագիտությանը⁸:

⁸ Առաջարկվող հուշարձանները կարող են լինել Տերունակունք, Մահկանարեղը, Գազրկայներ, Նորաբերդը, Տավուշը, Մանասգոմբ, Գմանիսը և այլն: